



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel  
Francofurti Ad Moenum, 1690**

Caput IV. (a) Cœlestinus III.

---

[urn:nbn:de:hbz:466:1-74533](#)

*occulto, quæ palam. Et ideo recte in ult. C. de accus.*  
 jubetur, ut accusatores ipsi in judicium veniant, ut per se accusent, non per tabellam: quare praxi Hispanie mittendi tabellam, seu chartam in ci-  
 stam, quam huic rei paratam ecclesiastici habent, ut sumpto inde argumento homines vexentur, esse contra omne ius, divinum & humanum, asserit Cujac. in praesenti: sed certe praxis hac Hispanie ab aliquibus judicibus, præcipue visitatoribus recepta, si tantum ad inquirendum & decu-  
 cenda argumenta fiat, ut melius veritas assequi possit, non est improbanda: si vero tantum ex chartis in cista collectis procedatur ad sententi-  
 am, vel aliam vexationem, procul dubio pecca-  
 rent lethaliter. Nec obstat proxime traditis tex-  
 tis in c. 1.8. q.2. ubi Calixtus verat, accusatorem  
*sine scripto recipi;* quia hoc ita intelligendum est,  
*dicit testium, vel accusatorum sine iporum pre-  
 sentia,* ac ipsorum presentiam sine scripto non sufficeret, ut docuerunt Cironius bcc., Sotus lib. 5.  
*de just. q.5. art.2. Covarr. 2. p. variar. c. 13. num. 6.*  
 ubi exponit textum in l. Theopompi, de dote præleg.

## C A P U T III.

Cælestinus Papa (a) Florentina Ecclesia.

(b) **V**idetur nobis, quod secunda, quam contra prohibitionem duxit Ecclesia, non sit uxor, et si primam non haberet desponsatam; nam quod contra (c) interdictum, & ordinem Ecclesiæ factum est, ratum non haberi, tanquam inordinatum, tam divinæ, quam humanæ (d) legis auctoritas proclamat. Quia igitur ea, quam inordinatè superduxit, prohibitione renitente uxor non est, eam cogendus est recipere, quam juravit & desponsavit, atq; ex ea prolem (e) genuit, ut juramenti religio non vilipendatur, & fides promissa ad invicem conservetur, & proles in cultu Dei nutritur, & educetur, & alii exinde occasionem pejerandi, & alios decipiendi assumere non valeant. Quod autem parentes, fratres, & cognati utriusque sexus in testificatione filii, vel filiaz, ad matrimonium conjungendum, vel dirimendum (f) admittantur, tam antiqua consuetudine, quam legibus approbat, & tam divinis, quam humanis legibus similiter approbat. In dirimendo enim matrimonio ideo maximè parentes recipiuntur, sive si defuerint parentes, proximiores admittuntur: quoniam unusquisque suam genealogiam, tum testibus & chartis, tum etiam exercitatione majorum scire laborat. Quia igitur aliis melius sciunt, ideo maximè admittuntur. Similiter recipiuntur in testificatione matrimonii gratiæ conjungendi: qui enim melius recipi debent, quam illi qui melius sciunt, & quorum est interest; ita ut si non intersint, & consensum non adhibuerint, secundum leges nullum fiat matrimonium. **Quod vero legitur**, quod pater non recipiat in causa filii, nec filius in causa patris, in criminalibus, & contradicibus verum est; in matrimonio vero contrahendo, & disjungendo, ipsis conjugi prærogativâ, & quia favorabilis res est, congruè recipiuntur.

## N O T A E.

1. (a) **F**lorentin. Ita etiam legitur in prima collectione, *tab. tit. de matrimonio contracto, c. 1. & in c. videtur 1. 35. q. 6.* ubi legitur Cælestinus III, alibi Clemens III. sed legendum esse, Cælestinus II, jam notavit Ant. August, in notis ad hunc textum, cum nulla Cælestinii, seu Clementis III, repertior constitutio, tam in decreto Gratiani, quam in prima collectione. Cælestinus II, antea Guido de Castro, vel de Castello dictus, electus fuit in Pontificem anno 1143. ut ex Platina, Binio, & aliis refert Jacobus a Sancto Carolo in Biblioth. Pontif. verbo Cælestinus II.

2. (b) **Videtur nobis.** Deest integra consultatio, immo & ejus disceptatio; siquidem statim incipitur à decisione.

(c) *Interdictum.* Irritans videlicet, ut probavi juxta tradita in cap. final. de matrimonio contracto.

(d) *Humana legis.* De qua in l. non dubium, C. de legib. quam sepius exposui in his commentariis.

(e) *Prolem genui.* Unde licet tantum desponsata fuisset de futuro, juramento accedente, sponsalia per copulam subsequuntam transferunt in matrimonium de praesenti, juxta tradita in cap. 15 qui fidem, de spons.

(f) *Admittantur.* Cap. I. & 2. 35. q. 6. l. 15. & 17. tit. 9. part. 4. quia præsumunt eos recte scire gradus ipsos consanguinitatis, l. Octavii ff. unde cognati, l. de tutela 7. c. de integrum restit. l. quidam 15. cum seq. ff. de probat. l. filium 37. C. de liberal. causa, c. vi. detur 2. 35. q. 6. l. 15. tit. 9. p. 4. Cabedo decisi 73. n. 11. Perez de Lara de capellan. lib. 2. cap. 4. n. 16. Esco- bar de puritate p. 1. q. 11. §. 2. n. 11.

## C A P U T IV.

(a) Cœlestinus III.

**I**nsuper adiecisti, quod aliquis contraxit cum quadam puella innubili, quæ tandem latatis metas attingens, & ab illo cognita pluries, post quatuor, aut quinque annos à D.D. Gonzal. in Decretal. Tom. IV.

præfata ætate decursos, contra matrimonium al'egavit, afféverans se ab initio dissensisse semper ab illo: & quod dicit, per testes probat famâ, & conversatione præclaros. In hoc itaque casu sentimus, quod adversus matrimonium audiri non debet, quæ ante cognitionem sui legitimum annum attingens, cùm potuit, minimè reclamavit: sicut enim ante consensum legitimum, qui in (b) anno 12. speratur secundum jus canonum, potuit dissentire, sic postquam legitimò tempore accedente, semel etiam carinali copulae consensit, ex (c) ratihabitatione sibi super hoc silentium non ambigitur induxit.

## N O T A E.

- L. (a) *Celestinus III.*] Ita etiam legitur in secunda collectione, sub hac tit. c. 3. ubi additur pars capituli *landabilem*, ut cognoscatur, in præsenti referri partem textus in cap. *landabilem*,

*defrigid. & malef.* ut jam notavi in c. 1. de except.  
(b) *Anno XII.*] Juxta tradita in c. 2. de defens. impub.

(c) *Ratihabitione.*] Quia per consensum supervenientem purgatur meritus præcedens, & legitimum consensum superveniente creditur, ut probavi in cap. ad id, cap. *veniens*, de spons.

## C A P U T V.

Idem Archiepiscopo, Præposito & Priori S. Mariae de Albanio

(a) *Januensi.*

**S**Ignificant M. de Camilla civi Januensi, nostro est Apostolatui declaratum, quod cùm ipse M. mulierem deduxisset legitimè in uxorem, S. mater mulieris ipsius n/a est matrimonium accusare, ut ab eo pecuniam extorqueret. Et licet intellectu suo prava non possint opera respondere, nihilominus tamen vult habere pecuniam, ut à matrimonii ejus accusatione desistat. Cùm igitur non sit (b) malitiis hominum indulendum, disc. v. per A. s. m. quat. si verum est quod proponitur, præfata mulierem ab accusatione ipsius matrimonii repellentes, eidem super hoc perpetuum silentium imponatis.

## N O T A E.

- L. (a) *Januensi.*] Ita etiam legitur in cap. 2. hoc tit. in 3. collect. De Januensi Metropoli agemus in cap. per vestras, de donat. Prioratus sanctæ Mariæ de Albanio est in Metropoli Januensi Ca-

nonicorum Regularium Ordinis D. Augustini; quod monasterium erat membrum congregatio-nis Mortariensis, ut refert Pennotus lib. 2. hist. Canonic. Regul. o. 27. n. 2.

(b) *Malitiis hominum.*] Verba sunt textus in l. 2. fundum 39. ff. de rei vind.

## C A P U T VI.

(a) Idem.

**C**Um in tua dioecesi. *Et infrā:* Si verò post contractum matrimonium aliquis apparet accusator, cùm non prodierit in publicum quando (b) banna, secundum consuetudinem in Ecclesia edebantur, utrum vox suæ beat accusationis admitti, meritò queri potest. Super quo sic duximus distinguendum, quod si tempore denunciationis præmissæ is, qui jam conjunctos impedit, extra dioecesim existebat, vel alias denunciatio non potuit ad ejus notitiam pervenire, utputa si nimis infirmatais fervore laborans sanæ mentis patiebatur exilium; vel in annis tam teneris constitutus, quod ad comprehensionem talium ejus actas sufficerent non valebat, seu aliâ (c) causâ legitimâ fuerit impeditus, ejus accusatio deber audiri, alioquin cùm rationabiliter præsumatur quod denunciationem publicè factam idem existens in ipsa dioecesi minimè ignoravit, tanquam suspectus est proculdubio repellendus, nisi proprio firmaverit juramento, quod postea didicerit ea, quæ objecerit, & ad hoc ex malitia non procedat; quia tunc etiamsi didicisset ab illis, qui denunciationis tempore siuerunt, claudi non debet eidem aditus accusandi: quoniam etsi ab impetitione hujusmodi culpa de silentio tali contracta illos excluderet, iste tamen amoveri nequit, cùm culpabilis non existat.

## NOTÆ.